

**LIPOTI TAUHAGA
MO
FAKAMAHI NOGA
TOKELAU
2016/17 & 2017/18**

LIHI O NA MATAKUPU I LOTO

Kupu a te Fakamahino Hili o Tokelau.....	3
Kupu a te Ulu o Tokelau.....	5
Kupu a na Komehina Tulafono a Tokelau	
1. Fakaofu.....	7
2. Nukunonu.....	8
3. Fakaofu.....	8
1. Kikilaga Kato ki na Fauhaga o Tulafono ma Fakamahinoga.....	9
1.1 Kikilaga katoa ki na Hihitemi tau Fakamahinoga i Tokelau ma Leoleo.	
1.1.1 Fauhaga Fakatetulafono o Tokelau.....	9
1.1.2 Te Malo o Tokelau.....	9
1.1.3 Hihitemi o Fakamahinoga.....	10
1.2 Peleni Taki mo Atiakega a te Atunuku 2010-15.....	11
1.3 Agagataki e Takiala ai te Heke o Fakamahinoga.....	12
1.4 Fauhaga o te Fakatulagaga o Fakamahinoga.....	12
2. Fakaleleiga Atili na Avanoa kin a Fakamahinoga.....	13
2.1 Nukunonu.....	13
2.2 Atafu.....	14
3. Fakaleleiga o na Fakamahinoga ma te Pulepulega o te Kaufaigaluega o Fakamahinoga.....	17
Ikuga o na Fakamahinoga.....	17
4. Fakatino na Agagtaki o te Pulepule lelei ma Atiake te Amiotonu I loto na Ofiha o te Tulafono ma Fakamahinoga.....	23
4.1 Kaufaigaluega Tautua a Tokelau – Taki o te Amio Pulea.....	23
4.2 Taki o te Pulea o te Amio mo Fakamahinoga.....	23
4.3 Faiga e Fefaiaki ai na Tagi e te Vaega o Fakamahinoga a Tokelau ma Leoleo.....	24
4.4 Tala o te Tupe Tauhaga mo te Piliota o te Lipoti.....	25
4.5 Avanoa mo Koleniga ma te Atiakega o na Kaufaigaluega o Fakamahinoga (i lotofale ma te Itulagi).....	25
4.6 Pulepulega o na Vaega Kautu o te Ofiha o Fakamahinoga ma Leoleo.....	26
Kupu Fakafetai.....	29

Kupu a te Fakamahino Hili o Tokelau

Kupu a te Ulu o Tokelau

I toku tulaga ko te Ulu o Tokelau mo te 2019 ma te Minihita o te Ofiha o te Malo Fakaauau o Tokelau, e momoli taku fakafetai ki te tamana ite lagi mo ta na puipuiga ma te fakaauauga o na fakamanuiaga mo te kaufaigaluega a te Fakamahinoga vena foki ia tagata nuku o Tokelau. E amanakia te Tapulega mai na nuku mo te latou tiute ite taukikilaga ona matakupu a na nuku ma te fakamautuga ote filemu ma te tulaga e tumau pea ai te lagolagoina ina nuku o Tokelau.

E lagona te fiafia ke tuku atu ai te Lipoti Tauhaga mo Fakamahinoga a Tokelau mo na tauhaga 2016/2017 ma 2017/2018 Tauhaga Tupe kua tukufakatahia ki loto o he lipoti e tahi. Ko na lipoti ienei ei loto ai na fakamatalaga e fakamatala ai na mea e tutupu i loto ona galuega a na Fakamahinoga a na Komehina Tulafono mo Tokelau. Ko te vave maua o he avanoa kite tuafono ma te amiotonu ko he tahi hini kautu ia mo te Peleni Taki mo Atiakega a te Atunuku 2016-2020, ko te ai ko na fakamatalaga uma i loto o tenei lipoti e fakamatala ai te fakatinoga ona galuega a te kaufaigaluega uma o te Fakamahinoga, ma ko te fakaavanoa o ienei fakamatalaga e mafai ai ke tautali mai kiei ia tagata nuku pe lelei te tulaga o na tautuaga e haunia e te kaufaigaluega mo Fakamahinoga.

E fakaamanakia atu foki na lukitau i te vave maua o he auala kite amiotonu i loto o na nuku takitahi o Tokelau, kae maihe ai ko te lukitau pitohili ona matea ko te he avanoa o te Komehina Tulafono ini mafuaaga ola malolo ma ko te hui Komehina Tulafono ko te Faipule. Ko te Faipule ko ia ko he takitaki faka politiki ma e lahi he fakaaoga e ia te avanoa ke fakamahino ai e ia ni moliaga ona ko heki taukavea ni koleniga patino lava ite fakatinoga ote galuega a te Komehina Tulafono, ma te fokiatu ki tagata nuku te avanoa kite amiotonu kae maihe ai he haolotoga mai na afiaga faka-politiki. Ko te matakupu ki te lahi ote faka kaiga ko he tahi lukitau ia ona e kaiga pili ia tagata uma i luga o Tokelau. Ko he tahi matua lukitau ko te tutautahi o te Fakamahinoga mai na nofonofoga faka-te-aganuku. E ui ai ko ienei lukitau, e tatau lava ke vave maua te amiotonu i loto ohe taimi vave e ho he tino e nofo mau i ho he nuku o Tokelau.

E fakaaoga e au tenei avanoa ke amanakia ai ai te Ofiha o Fakamahinoga, na Komehina Tulafono ma na Failautuhi. Fakafetai lahi mo te galue ma te fakamaoni i te

Kupu a na Komehina Tulafono a Tokelau (Law Commissioners)

1. Fakaofa

Mua ko te vikiga ki luga aua kua mautakitaki tona alofa mo koulua Tokelau. E fakatulou atu ki Tui e fia o Tokelau. Tulou! Tulou! Tulou lava!

Fakamalo ma fakafetai lahi atu ki te Malo o Tokelau kui atu i te Afioga a te Ulu o Tokelau, te Malo Fakaauau, te mamalu o te Fono Fakamua. Fakafetai foki kina Malo o Niu Hila ma Auhetalia kae maihe te Polokalame mo te Fakamakekega ona Taumafaiga mo Fakamahinoga. Fakatahi ai ma te fakafetai lahi kite mamalu o te Malo, Leoleo vena te hau faufautua, kae maihe lava te matua Loia kia Lise Suveinakama mo ta na fehoahoani lahi mo tenei galuega faigata.

Mo te nofo lelei o Tokelau, ke galulue ko kitatou ma taumafai ke tauhi pea te filemu i luga o Tokelau.

Kae ke kavea ko ia Tokelau ma Tifa Ola.

Etuale Vavega
Komehin Tulafono
Fakaofu

2. Nukunonu

E fakatalofa atu, Talofa ni.

Te Foa higano tumoa, maina ki tai te lamaga kua ake uta foki te faiva o te poupouakiga o te amiotonu o te 2 tauhaga 2016/17 – 2017/18.

Malo ni ko na kupu moni ko he MĀTUA lava, he toeaina, he lomatua ke vai niu mai, ko he faiva e he tapuakia, e he iku manuia.

Tulou ni,

E 2 ia vaega e fia fakamatea atu ki te koulua mainaga i te lipoti tenei 2016/17-2017/18, kae ke fai vave loa e koulua ni fofo te Pule.

E hili te tamate vave ka koi atafaia, Haloa! to ta fenua pele ko Nukunonu, fai loa ko.

1. Aloā e pakū maulalo te aofai ona moliaga na fakamahino i te tauhaga 2016/17-2017/18,

Aihea nei?

- Ko tagata nuku nei kua amiotonu ma popoto i te tulafono pe
- Ko te galuega nei a Leoleo, Failautuhi, Komehina na e he faia, pe ko tagata-nuku foki e he katoatoa te malamalama ki te Tulafono.

2. E he lahi na moliaga na fakamahino i te 2016/17-2017/18, ka e ko te mafuaga hokotaga fakavae o ienei moliaga uma, ko te fakaaogaga e na tino te Ava malohi ma te Pia io latou Haolotoga. Fautuaga ki te Pule o te fenua, tapena vave he fofu koi taigole te afi.

Tamana, Matua ma Tagata nuku, fai hau fuafuaga ki to haolotoga, ka ko heki mū koe ma tau tama ma au i te afi.

Tau tuku malie ko, e taua ia fanoga o laumatagi vale ma vai maluā o galu fafati o te olaga.

Tena kua fofola mai te mao, palepale malie la, kua hao to vaka.

Hao koe, Ola tau fanau, Manuia to tatou nuku. Ko Tokelau ke Ola.

Fakafetai lahi.

**Ioane Nui Tumua
Komehina o te Tulafono
Nukunonu.**

3. Atafu

E muamua lava ona hiki atu kia te la na vikiga uma e tuha ai mo te ola ma te malohi ke fakatino ai na galuega, eo te Aliko uma na vikiga.

E fakamalo atu kite malo o Niu Hila ma Auhetalia ma kilatou uma na pikilima fakatahi ite fakatinoga ona tautuaga a te Fakamahinoga o Tokelau.

E momoli atu foki haku fakamalo ki te PJDP mo te lagolago malohi e auala ina koleniga e fakatino mo te fakalelei atili ona tautuaga a te fakamahinoga.

E fakafetai foki au kina Taupulega e tolu vena te Malo Fakaaauau o Tokelau mo te galue malohi kite atiakega ona tulafono mo te Malo o Tokelau.

Eo te Aliko uma na vikiga i loto ona tautuaga e fai e kitatou.

Malo ni

Lepaio Simi Lua
Law Commissioner
Atafu

1. KIKILAGA KATO A KI NA FAUHAGA O TULAFONO MA FAKAMAHINO GA

1.1 Kikilaga katoa ki na Hihitemi tau Fakamahinoga i Tokelau ma Leoleo

1.1.1 *Fauhaga Fakatetulafono o Tokelau*

Ko Tokelau he fenua ko heki faia hana filifiliga faiga malo e pulepulea e te Malo o Niu Hila. Ko Tokelau he vaega e o te kaukaiga o Niu Hila (Clause 1 (d) of Letters Patent 1989). Ko tagata Tokelau ni hitiheni e o Niu Hila. Ko te fauhaga o te Malo o Tokelau kua takua i loto o te Tulafono Fakapalemene a Tokelau 1948. Ko te Ulu o te Atunuku ko te Kuini o Niu Hila. Ko te Kovana o Niu Hila ko te hui aloakia ia o te Kuini. Ko Tokelaue pulepulea mai Niu Hila e te Ofiha fakaminihita o te Va-ki-Fafo ma Fefakatauakiga, ma ko te Ulu atonu, koi a te Fakauluuluga o te Ofiha Hokotaga Fakapitoa (SRU) it e Ofiha fakaminihita tena. E mafia e te Palemene a Niu Hila oi fai ni tulafono mo Tokelau e auala i ni Tulafono fakapalemene aua ko Tokelau he vaega e o Niu Hila. E mafia e te Kovana Hili oi fai ni tulafono mo Tokelau e auala i ni

tulafono fakatonutonu (Vaega 4(1) o te Tulafono Fakapalemene o Tokelau 1948. Kona aia tatau ma na haolotoga ona tino Tokelau e takua mai loto o te tulafono 16 i lalo o te Tulafono Fakavae a Tokelau. Ko na holigatulafono mamafa i Tokelau, ma na tulafono o holigatulafono ma na gaoioiga e tatau ke fai e takua uma i lalo o te tulafono o Holigatulafono, na Gaoioiga e tatau ke fai, ma na Fakamaoniga.

1.1.2 Te Malo o Tokelau

E lua ia fauhaga o pulepulega i Tokelau:

- (i) te malo fakalotoifale o na Nuku; ma te
- (ii) te malo fakateAtunuku

I te malo fakatenuku, ko na tonu e tau ki na matakupu tau te nuku e fai it e levolo o na nuku e na Taupulega. Ko na Tulafono Nuku foki e fai e te Taupulega. Ni fekehekeheakiga in a nuku e gafa ma te Komehina Tulafono ma na Komiti Apili a na Nuku (Vaega 10 o te Tulafono Fakapalemene a Tokelau 1986, Tulafono 103 o na Tulafono Holigatulafono). Ko na matakupu tau fenua ma te nofonofoga e gafa ma te Taupulega. Ko te Tulafono Toe Teuteu a te Fakapalemene 1986, Tulafono 103 o na Tulafono o Holigatulafono). Ko na matakupu tau fenua ma na nofonofoga aganuku e fofo ma tukutonu e na Taupulega.

I te levolo o te Malo Fakaatunuku, ko na tonu o te malo e afia ai ia Tokelau katoa e fai e te Fono Fakamua. E fai e te Fono Fakamua na tulafono e kikila ia e tatau mo te filemu, nofolelei ma te pulepule lelei o Tokelau (Vaega 3A o na Tulafono Fakapalemene o Tokelau 1948). E he faia e te Fono Fakamua ni tulafono e feta ma he Tulafono Fakapalemene, tulafono fakatonutonu pe he feagaiga kua amanakia i Tokelau. E he faia e te Fono Fakamua ni tulafono e apalai pe iei he malohiaga i fafo atu o Tokelau (Vega 3A (4) o Tulafono Fakapalemene mo Tokelau 1948). Kafai e he nofoia te Fono Fakamua, ko te Fono mo te Malo Fakaauau te tokaono (6) ona hui e fai e kilatou na tonu e manakomia mo te pulepulega o Tokelau.

1.1.3 Hihitemi o Fakamahinoga

Ko na Fakamahinoga ienei i:

- Te Fakamahinoga a te Komehina Tulafono ma te Komiti Apili a te Nuku
- Fakamahinoga Maualuga a Niu Hila (ko te Fakamahinoga Maualuga foki ia o Tokelau).

- Ko te Fakamahinoga mo Apili o Niu Hila (koi a foki te Fakamahinoga mo Apili a Tokelau).

Ko te Fakamahino Hili o Niu Hila ko te Fakamahino Hili foki ia mo Tokelau. Ko na Komehina ni fakamahino lagolago e tofia e te Kovana Hili o Niu Hila i he fautuaga a te Minihita o te Va ki Fafu mai luga o ni fakatalatalanoaga ma te Taupulega e a ia te Komehina Tulafono. Kafai lava e iei he taimi kua he nafatia ai e te Komehina Tulafono oi fakatino ona tiute ona kua tauale pe hea lava, pe kafai kua avanoa te tulaga tofi o te Komehina Tulafono, ko ho he tino e ia taukave na galuega a te Faipule, e kavea ma hui Komehina Tulafono i te nuku tena.

E iei na fale fakamahino a Tokelau lava: Ko te Fakamahinoga a te Komehina Tulafono ma te Komiti Apili a na nuku takitahi. I na Fale Fakamahino a na Nuku, e iei te Komehina Tulafono, ma te Failautuhi a te Fakamahinoga. Kote Komiti Apili e toka 3-4 ia hui e tofia e te Taupulega ke gafa ma ni apili agai ki ni tonu a te Komehina Tulafono. Ko te malohiaga fakatetulafono o he Komehina Tulafono e gata lava oiti i te fenua na tofi ai te Komehina Tulafono tena ma te Moana Hikotakamilo o Tokelau e hiko ai te fenua tena. Ko te pule a te Komehina Tulafono agai ki na holigatulafono i te va o te tino ma he tahi tino (hivili) pe ko he tino ma te malo (criminal), koi a e gafa ma ni tagi hivili e gata i te \$1,000 ma na holitulafono iei ko tona hala e totogi tupe pe 1 tauhaga i te falepuipui. Ko te mafia fai fakahagala o te Komehina Tulafono e fakatapula i te \$150 pe falepuipui mo he tolu mahina.

Ko ni matakupu tutua e ve ko te finau tino, finau tino pakivalea ma te fakatupu fakalavelave ma na matakupu e apili e gafa ma te Fakamahinoga Maualuga o Niu Hila ma te Fakamahinoga o Apili a Niu Hila e galulue uma kilaua ko te Fakamahinoga maualuga o Tokelau ma te Fakamahinoga o Apili o Tokelau. Kua he toe fakaaoga e Niu Hila te aia ke apili ai ki te Privy Council kae iei lava te aia o Tokelau ke apili ai ki te kaupule maualuga. Ke pa mai nei ko heki iei lava he matakupu ma Tokelau kua na kua pa ki na fakamahinoga fafo ienei.

Ko te fakamahinoga muamua tenei a Tokelau kua kave kite Fakamahinoga Hili o Niu Hila, na nofoia tenei fakamahinoga faka-fakamahinoga Hili lava mo Tokelau. Kote moliaga hivili tenei na fai i Niu Hila ia Tehema 2017 i Wellingtone, Niu Hila, na nofoia e te huhuga fakamahinoga o Niu Hila kia Thomas J. Kote matakupu tenei na fakatalohaga ki he fakahalaga he tumau kae na fakaheaaogaina e te Fakamahino mo he maliliega ke fai he

Fakamahinoga fakavae ia Fepuali 2018. Na tuku atu te matakupu e na loia mo kilatou na molia ma kilatou ea latou te tagi na fai ki mua o te Fakamahino e aunoa ma kilatou e molia ma kilatou ea latou te tagi e kaufakatahi atu ki loto o te fakamahinoga. Ko kilatou ea latou te tagi na kave nae he i Wellington vena foki ma kilatou na molia, vagana ai ki te tahi hui na molia i tenei matakupu nae nofomau lava i Wellington i te taimi na fakatino ai te fakamahinoga. E

Ko na matakupu hivili e ve ko te tama tauhi ma na avaga tataala e gafa ma te Malo Fakaauau o Tokelau. Ko na tonu a te Malo Fakaauau agai ki na matakupu venei ko te tonu lava ia.

1.2 Peleni Taki mo Atiakega a te Atunuku 2010-2015

Ko te Peleni o Galuega a Tokelau 2010-2015, e i loto ai na fakanauga o Tokelau mo na atiakega ma e fakamatea ai foki na atiakega fakamuamua mo he vaitaimi pukupuku a te Malo o Tokelau mo te piliota 2012-2015. Ko te moemitiga a Tokelau kua fakatatia, e fofou ki he "Nuku olamalolo, **hatala ma** maua ai ni avanoa mo tagata uma". Ko te moemitiga tenei e katoa i loto te lagona veia e ui ko tagata o Tokelau e momoko ki he olaga olamalolo, **hatala** ma maua ai ni avanoa tutuha mo tagata uma, e taua foki ho ko he atiakega e fai i Tokelau e tatau ke aoga ma mafia ke hikihiki ai ki luga te tulaga o te olaga o tagata Tokelau kae he fakaafaina ai ta latou aganuku, to latou tofi ma to latou hikomaga.

E 4 ia hini mo atiakega i loto o te Peleni o Galuega a Tokelau, e takitahi lava mo na vaega kautu e fa, ko te pulepule lelei, atiakega o galuega lalahi, atiakega o tagata ma te fakatumaugia.

Lipoti tauhaga mo te tulafono ma na kauhaga o fakamahinoga a Tokelau 2012/13-15 Ko na hini ienei:

Hini 1: Fakaleleia atili te itu ki te pulepulega, heke o tagata lautele ma te pulepulega o te tupe ma te fakatinoga o te pule a te tulafono

Hini 2: Fakaleleia atili te tulaga o te olaga e auala i te lava, fakatuatuagia o na tautuaga kautu

Hini 3: Fakaleleia te tulaga o te olamalolo, na akoakoga a te nofolelei

Hini 4: Fakaleleia atili te itu tau tamaokaiga, itu ki te aganuku, hikomaga ma te olaga fakateagaga. Mo tenei Lipoti Fakatetauhaga a te itu tau Fakamahinoga, e fakapatino te kikila ki te hini 1 ke maihe ki te pule a te tulafono. Ko na hini kautu i lalo o te hini tenei e fakaali manino mai.

Ke atili haogalemu ia loto o na nuku; ke fakaleleia atili na avanoa ki te fakatinoga o te amiotonu e auala in a fakamahinoga; ke fakamautu na agagataki o te pulepule lelei ma atiake te amiotonu i loto o na vaega e gafa ma te tulafono ma na fakamahinoga; ke fakaleleia atili te pulepulega o na fakamatalaga ma tagata faigaluega i loto o na hake o te tulafono ma fakamahinoga ma falaleleia atili te pulepuleg o te tuakoi o te atunuku.

Ko te hini koutu mo te fakatinoga o te pule a te tulafono e atafia manino ai te moemitiga o te Peleni o Galuega a Tokelau ke fakamautinoa e tumau pea te ola o ona tagata i ni nuku olamalolo ma ni avanoa tutuha mo tagata uma; ko teia kua iei na tulafono ke fakamautinoa ai te filemu ma te nofolelei in a nuku ma he hihitemi fakamahinoga e tali atu ki manakoga o tagata uma kae hili te taua; e maua ai ni avanoa tutuha mo tagata uma.


1.3 Agagataki e Takiala ai te Heke o Fakamahinoga

Ko na agagataki e takiala ai te Heke o Fakamahinoga o Tokelau:


- Atiake ma fau he vaega o fakamahinoga e gaoioi ma fakatino a latou galuega i loto o na nuku uma o Tokelau
- Hapoti ma fau he hihitemi fakamahinoga e mautu ma avanoa ma fakatalitonugia e tagata o Tokelau
- Tuku atu ni tautuaga aoga ma lelei ke hapoti ai he heke fakamahinoga tutautahi i loto o na nuku o Tokelau
- Galulue tafapili ma na nuku ke fakamautu te haogalemu ma te nofolelei mo tagata uma

1.4 Fauhaga o te Fakatulagaga o Fakamahinoga

Ko te fakatulagaga o na fauhaga o fakamahinoga a Tokelau e fakamatea atu ite Ata 1.



(112 Holitulafono, Gaoioiga & Fakamaoniga 2003) Apili (moliaga he matuia)



FAKALELEIGA ATILI NA AVANOA KI NA FAKAMAHINOGA

Ke fakamautinoa e tutuha ma e fakaleleia atili na avanoa ki na famahinoga ina nuku e tolu o Tokelau, e taua lahi ke takua i kinei te hini e tuku mai lalo o te Hini 1 i loto o te Peleni Taki mo Atiakega a Tokelau (itulau 9 i luga) ko te mea ia e pitohili ona fakataua i loto o tenei lipoti fakamahinoga, kae maihe ai na famahino i loto o na motu takitahi.

2.1. Nukunonu

Huiga lelei kua kitea:

Kua iei ni huiga lahi e kitea i loto o tenei tauhaga e tuha ai ma na galuega tautua. I te tauhaga i tua atu e 20 ia moliaga na famahino e te Komehina Tulafono o Nukunonu, fakatuhatuha ki te 10 o moliaga na fakafeagai ia kiei i tenei tauhaga.

E tatala pea na fakamahinoga mo ho he tino e fia fakalogologo kite fakatinoga o na fakamahinoga a te Komehina Tulafono. E taua lele ke fakailoa tenei fakamatalaga kae ke mafai ai ia tagata nuku ke fakaaoga e kilatou he avanoa venei.

Kote haogalemu o tagata, ola fiafia ma te felagolagonaki, ola malolo, galulue fakatahi, fakaaloalo te tahi ki te tahi e tumau pea tona taua mo tagata nuku o Nukunonu.

E galulue fakatahi te Ofiha o Fakamahinoga ma te Taupulega ke fakamautinoa ai e nonofo ia tagata o Nukunonu i he hikohikomaga e malupuipua ma te haoloto ma te ola e tuha ai ma te tulafono.

Lukitau

Ko te avanoa muamua lava e maua ai te amiotonu e kui mai i Leoleo ona kona galuega a Leoleo e taua lele i te fakamautinoaga o te leva o te haonioni o he moliaga ma te vave tuku atu loa ki te Komehina Tulafono i he taimi vave. Ko he tahi lukitau e fakafeagai ma te Fakamahinoga o Nukunonu ko te fakamavaega o te matua kia Lepeka Amato, te Failautuhi muamua ma te filifilia o te Failautuhi fou te matua kia Lupe Kilino, na mafua mai ai foki te tolopo o te fakaikuga ona fakamatalaga fakamahinoga kae maihe ai te manakomia o te Failautuhi fou ke akoakogia ma ke lagolago atili kiei.

2.2. Fakafo

Huiga lelei kua kitea:

E ui koi kitea lava te fanofano ki mua i te tulaga o te pulepulega ona matakupu pe ko na moliaga i aho takitahi, ko iei pea te lahi o na fakaleleiga e manakomia mo te lelei o te pulepulega ona matakupu/moliaga. Kote mataloa e te fefaiakiga ona matakupu (case flows) mai te aho na lehitala ai e te Failautuhi o Fakamahinoga, ke pa kite aho o te fakamahinoga, kite aho e fakatino ai tona fakaikuga. Ko te fakaaauauga o te fehoahoani mai te PJSI i te tulaga e fakatino ai na akoakoga ma te fakalelei atili o te tomai o te kaufaigaluega a te Fakamahinoga ke fakatino lelei o latou tiute ma tautali atu ki manakoga fakamahinoga o kilatou e fakaaogagia tenei tautuaga pe ko ho he tino e manakomia e ia tenei tautuaga.

Na filifilia te Komehina Tulafono i te tauhaga 2016 ma koi fakaaauau pea na akoakoga ke fehoahoani atili ai kiei ke fakatumugia ai te va o te iloa ma te mafai ke fakatino tenei galuega a te Komehina Tulafono.

Lukitau

Ko te leva o te taimi na fakatalitali ai te Komehina Tulafono ke tofia ai te Kovana Hili o Niu Hila na mafua te taofia ona fakamahinoga kae maihe lava kote Hui Komehina

Tulafono ko heki taukavea lava e ia ni akoakoga e tuha ai kote fakatinoga ona fakamahinoga.

Ko te maua gata o he avanoa ke fakalauiloa ai te malamalama ma na fakamatalaga ko he tahi lukitau ia e fakahao ai na tino ona ko te heai o he iloa pe he malamalama i te fakagahologa katoa o te pulega a te fakamahinoga e aofia ai te pulega o na matakupu (flow management).

2.3 Atafu

Huiga Lelei kua kitea

Ko te fehoahoani ma te lagolago mo te fakaleleiga o te tomai e tuha ai ma te Tulafono mai te Polokalame mo te Fakamakekega ona Taumafaiga mo Fakamahinoga a te Pahefika (PJSI) nae lauiloa muamua ki te Polokalame o Atiakega mo te Pahefika (PJDP), kua lahi lele tona aoga. Ko akoakoga ma te tomai mai na akoakoga talu ai kua kitatou maua ai te malamalama ma te mautinoa e fakatino ai a tatou tiute i te fakatinoga ona fakamahinoga ite lototele ma te lelei. Kote koleniga foki tenei kua mafai ai ke maua e kitatou te malamalama ma te tomai ke atiake ma fakatino ai ni polokalame ke fakamakeke atili ai te mafai kae maihe ai ina fatuga Polihi ma Tulafono ki te Taupulega ma na fakalapopotoga faka-loto-i-fale (Aumaga, Fatupaepae, Tupulaga ma te Kautafafao).

Ko na teuteuga kina Tulafono Nuku mo Atafu kua fakamaonia foki e te Taupulega i tenei tauhga. Na iei te fakatutuga a te Taupulega mo he Komihia e aofia a na Uhu Fono e 6 o te Taupulega, Hatini Leoleo, Failautuhi o Fakamahinoga ma te Faufautua o Polihi. Eo te Komiti la te tiute ke faufautua e uiga kina tulafono a te Taupulega e manakomia ke toe iloilo, ma ke fakamautinoa ehe fakalavelave pe feta ma te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga. Ko he avanoa gali tenei ke toe ahiahi ai kina Tulafono Nuku mo Atafu ma toe iloilo ienei tulafono e tuha ai ni matakupu na fakatalanoa mai e te Malo i te taimi o te Fono Fakamua kafai e nofoia i tauhaga takitahi maihe lava mo tenei mafuaaga.

Lukitau

Ko te he avanoa o Lotala mona fakamahinoga a te Komehina Tulafono ko he pa pupuni ia kite avanoa o te fakamahinoga ona ko ienei tolopo. Ko ienei pa pupuni e fakafeagai ma te kaufaigaluega o Fakamanihoga e mafua ai foki te tuai vave fakatino ai na fakamahinoga e mafua mai i ienei mafuaaga;

- ❖ Tuai o na hukehukega a Leoleo
- ❖ Ko te he fano o te tino molia ki tona fakamahinoga
- ❖ Ko te he avanoa o te Komehina Tulafono
- ❖ Ko te he faka-kolenia o na Hui Komehina Tulafono
- ❖ Heai ni fale fai fakamahinoga

FAKALELEIGA O NA FAKAMAHINOGA MA TE PULEPULEGA O TE KAUFALUEGA O FAKAMAHINOGA

Ikuga o na Fakamahinoga

Fakamatalaga

Ko te Lipoti Tauhaga tenei mo te tauhaga 2016/17 ma te 2017/18 kote faka ono ai te faiga o ienei fakamaumauga pe he lipoti foki mo na Famahino a Tokelau ina nuku e tolu ma mo te fakailoagia. Ko te lipoti muamua lava mo fakamahinoga na fakavae i te lipoti o te piliota 2011/2012.

Ko te faitauga ote aofaki o “tagata nonofo mau” i Tokelau nae 1,499 ite faitauga na fai i tea ho 18 Oketopa 2016. Ko aofakiga o tagata i na nuku takitahi e tai tutuha lele:

Atafu: 541 numela ona tino nofo mau

Fakaofu: 506 numela ona tino nofo mau

Nukunonu: 452 numela ona tino nofo mau

E ui ite tokalahi o te fuainumela ona tino i loto ona nuku e takua lava ni Tokelau, e iei foki na tino mai Tuvalu, Samoa, Kiribati ma Fiji e nonofo i loto o Tokelau.

Tukufakatahiga

Ko te aofaki ona tino nofo mau i na nuku e tolu e tai tutuha lele, kae e kitea lele ko te aofaki o na moliaga kua gafa ma na Komehina Tulafono e tolu i na nuku e tolu e kehekehe lahi ite lipoti o te vaitau 2016/17, ma te 20 o moliaga i Nukunonu, ki te 52 o moliaga i Atafu, ma te 10 o moliaga i Fakaofu. I na nuku e tolu e fokotahi te Komehina Tulafono ma e fokotahi te Failautuhi o Fakamahinoga, ma ko te aofaki o na moliaga e fakamahino ma vena ona gafa ma kilatou e kehekehe lahi.


Aofaki o na Moliaga

Atafu: E 52 fakatahi ia moliaga kua fakamahino e te Komehina Tulafono e fokotahi i loto o te tauhaga 2016/17 kae e 9 ia moliaga ite tauhaga 2017/18.

Nukunonu: E 20 fakatahi ia moliaga kua fakamahino e te Komehina Tulafono e fokotahi i loto o te tauhaga 2016/17 kae 10 ia moliaga ite tauhaga 2017/18.

Fakaofu: E 8 fakatahi ia moliaga kua fakamahino e te Komehina Tulafono e fokotahi i loto o te tauhaga 2016/17 kae 53 ia moliaga ite tauhaga 2017/18.

Aofaki ona moliaga na lehitalagia





Ko te tauhaga 2016/17, e 80 fakatahi ia moliaga na fakamahino e na Komehina Tulafono i na nuku e 3, ni matakupu tau holitulafono uma, e heki iei he moliaga na apili ai he tonu ma na Komehina Tulafono e tolu i loto ona moliaga e 80 ienei. E tutuha foki ma te tauhaga 2017/18, mai na moliaga e 72 na kaumai ki luma o te Komehina Tulafono ni matakupu tau holitulafono uma, e heai he apili na fai kina fakaikuga a na Komehina na fai i loto ona matakupu e 72 ienei Ko te faka ono tenei o taimi kua lipoti ai e Tokelau te heai o ni apili e fai. E iei na lipoti mai te kaufaigaluega a fakamahinoga mai na nuku e fakamatala ai te mafuaaga e heai ai ni apili. Kae atonu, ko he mafuaaga lahi lava e heai ai ni apili e fai e tutuha ma te mafuaaga e takua i te lipoti talu ai, ona kote aganuku, ma te talia gofie e na tino na fakaikuga e fai mo kilatou pe ko te he maina lava kina auala e mafai ke fakatino ai na apili; pe ko te he talitonu lava ona tino kite hihitemi. He tahi mafuaaga (atonu oioti ai lava he mafuaaga) ona kote lahiga ona moliaga e fai e ioegia na tino molia ki o latou moliaga. Mai na akoakoga e fakaaauu pea, kona tino kua kamta kilatou iloa ma manino atili kina auala e fakatino ai te faiga ona apili ma o latou hakoga ke apili ai kilatou.

Ko kilatou e fakaaogagia e kilatou te fakamahinoga ehe tau fakafita lele ite heai o ni tupe ke totogi ai ho he moliaga pe ko he moliaga tau holigatulafono pe he


	a		a		a		
10 tauhaga pe i lalo ifo	0	0	0	0	0	0	0
11 - 14 tauhaga	0	0	0	0	0	0	0
15 - 17 tauhaga	2	5	1	0	1	0	9
18 - 25 tauhaga	8	4	2	6	4	1	25
Tino matutua i luga o te 25	2	4	9	0	2	1	16
Numelau Aofaki	12	13	12	6	7	2	52

Fakamaumauga mo te tauhaga 2017/18							
Fenua	Atafu		Nukunonu		Fakaofu		Tokelau
Itupa Fafine/Tamaloa	Tamalo a	Fafine	Tamalo a	Fafine	Tamalo a	Fafine	Aofaki
10 tauhaga pe i lalo ifo	0	0	0	0	0	0	0
11 - 14 tauhaga	0	0	0	0	2	0	2
15 - 17 tauhaga	1	2	0	0	2	0	5
18 - 25 tauhaga	2	0	0	0	11	7	20
Tino matutua i luga o te 25	3	0	8	2	9	5	27
Numelau Aofaki	6	2	8	2	24	12	54




Pahene e Fakamaea ai na Moliaga ina tauhaga 2016/17 ma 2017/18

Ko na fakamaumauga i lalo e takua mai ai te maualuga o te pahene e fakamaea ai na moliaga i luga o na nuku e tolu i Tokelau: E kitea i te kalafa i lalo he 93% te pahene e kilia ai na moliaga mo te tauhaga lipoti 2017/18 fakatuha ki te 91% pahene e kilia ai na moliaga mo te tauhaga lipoti 2016/17, ma ko he huiga lelei tenei. Ko he 175% pahene e kilia ai na moliaga mo te tauhaga lipoti 2016/17 ma te 98% pahene e kilia ai na moliaga mo te tauhaga lipoti 2017/18. Ko Nukunonu e 100% na tutuha foki ma te tauhaga i tua atu, ko Atafu e 75% pahene e kilia ai na moliaga mo te tauhaga 2016/17 ma kua paku lele ki te 56% pahene ite kiliaga ona moliaga mo te tauhaga tupe 2017/18.



Mataloa o te taimi e taukave ai he moliaga




Ko te mataloa o te taimi e taukave ai he moliaga e te Komehina Tulafono i Atafu i te tauhaga lipoti 2017/18 e 88 ia aho. Ko he huiga lelei lele kua iei ai nei mai te tauhaga talu ai 2016/17 nae katoa ai na aho e 222 ke taukave ai he moliaga. Kua lahi foki te huiga lelei mai Nukunonu ona kua 4 nei ia aho e taukave ai he moliaga i te tauhaga lipoti 2017/18 fakatuha kite 22 o aho nae taukave ai he moliaga ite tauhaga lipoti 2016/17. Ko Fakaofu foki na lahi lele te huiga ina aho nae taukave ai na moliaga ite ona na katoa te tauhaga e hei iei ai he latou Komehina Tulafono.

Tukufakatahiga kua lahi lele te higa ki te faiga o na galuegaa na Failautuhi o Fakamahinoga i te tauhaga 2017/18 fakatuha ki te tauhaga kua teka atu 2016/17 na kitea ai te mataloa atili ona aho na taukave ai na moliaga i Atafu ma Fakaofu.


Ko na Moliaga e takalahi

Ina nuku uma e tolu ko na holigatulafono e tutuha ma ko iene:

- Fakaokolima
- Kaihohoa
- Miha ina koga lautele
- Kona
- Holituakoi
- Uiga mataga



Ko te aofaki ona moliaga e fakamaea e he Ofiha o te Fakamahinoga



Ko te kalafa i luga e taku mai ai e 95 fakatahi ia moliaga na kaumai ki luma ona Komehina Tulafono e tolu i loto o te tauhaga 2016/17, e tuha ai e 32 ia moliaga e taukave e na Failautuhi o Fakamahinoga.

- Atafu: E 65 fakatahi ia moliaga na kaumai ki luma o te Komehina Tulafono o Atafu i loto o te tauhaga 2016/17.
- Nukunonu: E 20 fakatahi ia moliaga na kaumai ki luma o te Komehina Tulafono o Nukunonu.
- Fakaofu: E 10 fakatahi ia moliaga na kaumai ki luma o te Komehina Tulafono o Fakaofu.

E 72 fakatahi ia moliaga na kaumai ki luma ona Komehina Tulafono e tolu i loto o te tauhaga 2017/18, e tuha ai e 24 ia moliaga na taukave e na Failautuhi o Fakamahinoga tautokatahi.

- Atafu: E 9 fakatahi ia moliaga na kaumai ki luma o te Komehina Tulafono o Atafu i loto o te tauhaga 2017/18.
- Nukunonu: E 10 ia moliaga na kaumai ki luma o te Komehina Tulafono o Nukunonu i te tauhaga 2017/18.
- Fakaofu: E 53 fakatahi ia moliaga na kaumai ki luma o te Komehina Tulafono o Fakaofu i te tauhaga 2017/18.

4 FAKATINO NA AGAGATAKI O TE PULEPULE LELEI MA ATIAKE TE AMIOTONU I LOTO NA OFIHA O TE TULAFONO MA FAKAMAHINOGA

4.1. Kaufaigaluega Tautua a Tokelau – Taki o te Amio Pulea

Ko te Amio Pulea a te Kaufaigaluega Tautua a Tokelau na pahia e te Fono Fakamua i te 2004. He opotiga o ni tulafono ma e fakamatala manino ai na amio tatau ma te tulaga o te amiotonu e tatau ke iei na tino ote kau tautua. Ko te Taki o te Amio Pulea foki e taku mai ai foki na vaega e tatau ke maua e tee fakagaluetino mai te tino galue e vena foki na vaega e tatau ke maua e te fakagaluetino. Ko te fakagaluetino e o ia te tiute ko te fakatonutonuga o te Taki o te Amio Pulea i te fakamautinoa ko tagata tautua uma e mulimuli ma uhitaki ki na fakatatiaga i loto. Ko na amio he tatau ma he talafeagai, ko te he katoatoa o te fakatinoga o na galuega e ono pa ai ki ni tulaga e akoakia ai. He tiute e o tagata tautua uma lele ke faitau ma malamalama i na Taki a te Amio Pulea.

E tolu ia tulafono i lalo o te Taki o te Amio Pulea a te Kaufaigaluega Fakamua a Tokelau:

1. Ko na tino tautua e fakataunuku ma te katoatoa e kilatou o latou tiute ke takitaki ia Tokelau i te amiotonu ma te mea e gata ai te iloa;
2. Ko na tino tautua e fakatino e kilatou o latou tiute i te moni, te fakamaoni, ma te katoatoa, fakaaloalo ki te aia o tagata o te nuku ma o latou hoa tautua;
3. E he takuvaleagia te Kaufaigaluega Tautua e na tino tautua i a latou gaoioiga/fakatinoga e fai i tua.

4.2 Taki o te Pulea o te Amio mo Fakamahinoga

Ko te Taki o te Amio Pulea o te Vaega o Fakamahinoga e tuku mai ai na takiala ma na tulafono ki na Komehina o Tokelau i te fakatinoga o o latou tiute kae hili te taua, ki tagata o na nuku ke kilatou iloa ma malamalama i na itukaiga amio e tatau ki na Komehina Tulafono ka koi taukave o latou tiute. Ko na faiga takalahi e fai nei ko:

- (i) **Fakatuatua:** He tiute e o na Fakamahino ke fai a na fakaikuga ma te fakaeteete kae ma, na he fakaitukau.
- (ii) **Amiotonu:** Ko te Fakamahino e tatau ke fai a na fakatinoga uma i te amiotonu kae ke tumau ai pea te talitonu o tagata ki te itu tau fakamahinoga.
- (iii) **Tutuha ia tagata uma:** Ko Fakamahino uma e tatau ke fai a na fakatinoga uma i ni auala e fakamautinoa ai te fakatutuha o tagata uma e tuha ai ma te tulafono.
- (iv) **Fakamahinoga Tutautahi:** Ko na tonu a na Fakamahino e tatau ke fai tu tautahi.

- (v) **He Fakakaukau:** E taua ki Fakamahino ke he fakakaukau pe ve e fakakaukau.
- (vi) **Fakatinoga i loto o te Fale Fakamahino:** Ko na Fakamahino e tatau lava ke makeke ta na kikilaga i loto o te fale fakamahino ma fakamautinoa ko na tino i loto o te fale fakamahino e fai fakalelei ma amanakia.
- (vii) **Uiga i loto o te Potu Fakamahino:** E taua ki na Fakamahino ke fakamautinoa ko na tino e omamai ki te Fakamahinoga e amanakia ma e fehoahoani atu kiei.
- (viii) **Fehokotakiga i te Fakamahinoga:** E tatau i te Fakamahinoga ke tautala manino ke malamalama uma na tino i loto o te fale fakamahino i na tala e fai.

4.3 Faiga e Fefaiaki ai na Tagi e te Vaega o Fakamahinoga a Tokelau ma Leoleo

I loto ona lipoti a na Failautuhi o Famahino, na fakamaumau ai e kilatou e ui ko heki iei he auala kua fakatatia ina fakamahino a na nuku takitahi e tolu e mafai ai ho he tino ke fakailoa ho na tauhuai pe he fiafia pe kaumai foki ni lagona ma ni fakamatalaga ki te Komehina Tulafono ma na Failautuhi ina Famahino ina motu e tolu agai ki na tautuaga a na ofiha o fakamahinoga. Ko na polokalame fakailoa i na nuku kua kavea ma avanoa kite nuku ke fakaali ai o latou manatu/lagona agai ki na tautuaga a na ofiha o te fakamahinoga. Na lahi lele he tautali mai kiei a te nuku ite fakaaliga o ni a latou lagona he fiafia kite tuai ona tautuaga, kae maihe ai na taimi e fai ai na tonu ma na fakaikuga o he moliaga. Ko he tahi kikilaga lahi nae iei ko na itukaiga fakahalaga nae fakaaoga e na Komehina Tulafono. Ko ietahi tino e fakaali to latou he fiafia kite mama atili ona fakahalaga e he hilia atu ite \$150.00 tupe Niu Hila, pe fakahala ite faka faigaluega mamafa i loto o te nuku. E lahi na lagona ke fakahala mamafa na tino e holitulafono, e taofiofi ai kilatou ke he toe fakaauau ni holitulafono.

Na lipoti foki e na failautuhi o famahino te tulaga te e iei na tino o te nuku e fakaali o latou he fiafia pe ni manatu foki i te tuai ona gaoigoiga a na tino tautua. He tahi manatu foki na fai agai ki na galuega e fai e te tino mo to na lelei kae he mo he lelei ote nuku katoa. E tatau ai la ke fakailoa atu e na Komehina Tulafono to latou galue atu mo te lelei ote nuku katoa e kitea ai te fakamoemoegia o te nuku mo kilatou. Ko te fakafitauli na kitea mai ina tino o te nuku kafai e fakafehiligia e kilatou te Komehina Tulafono kafai e aofia ai ni o latou kaiga, kae he haofia atu lele ko te mea tonu ia e mafua ai te kikila o te tino kia te ia lava kae he kikila ki he leleiga mo te nuku katoa, e galo katoa ai foki kilatou e aofia lahi i loto o na moliaga.

4.4 Tauhitonu o te Kaufaigaluega

4.4.1 Tala o te Tupe Tauhaga mo te Piliota o te Lipoti tenei

Ko na lala o na fakamahinoga e tolu ina nuku o Tokelau, Fakaofu Nukunonu, ma Atafu ei lalo uma ote kikilaga a o latou Taupulega. Ko na fakamaumauga a na famahino ina motu takitahi e i lalo o na fakatupega a na nuku takitahi e tuha ai ma te fakatupega kua uma te talia ite faiga ona galuega tautua a na ofiha o famahino fakatahi ma leoleo mote tauhaga lava tena. I loto foki ona motu takitahi, e taukikila e te Pule Fakahoa o te Tupe na fakatupega mo te vaitau tenei e galulue fakatahi ai foki kiei te Malo o Tokelau vena ma te Mataeke o te Tupe. Ko te mataeke ia ei te kilatou te tiute ke lipoti ki na nuku vena ma na mataeke kehekehe e tuha ai ko te tala o te tupe ki te Fono Fakamua. E kehekehe mamao foki te aofaki o ienei fakatupega kua talia mai te Fono Fakamua e tuha aim o te tau atiakega ona mea e tatau ke fakamuamua mo he vaitau taua.

4.5 Avanoa mo Koleniga i te Atiakega o na Kaufaigaluega o Fakamahinoga (i loto ma te itulagi)

E amanakia e Tokelau te polokalame a te Pahefika mo Atiakega o Fakamahinoga (PJDP) kae maihe mo na avano e maua pea i tauhaga takitahi mo na Komehina Tulafono ma na failautuhi o fakamahinoga ke olo ai kina akoakoga/koleniga e fai ina nuku i fafo o te Pahefika. I te vaitau fai lipoti tenei, na fai ai na polokalame fakate akoakoga na fehoahoani lahi ai kiei te Komehina Tulafono o Atafu ma te Komehina Tulafono o Fakaofu ma na lagolago e na failautuhi o fakamahinoga na Komehina Tulafono ina akoakoga iena. Ko na akoakoga faka-itulagi ienei e taua lele ke maua ai e na ofiha o famahinoga te iloa ma te malamalama ma na hikili e patino lava mo a latou tautuaga.

4.6 Pulepulega o na Vaega Kautu o te Ofiha o Fakamahinoga

4.6.1 Fale Famahino

Na lipoti mulinei e na Komehina Tulafono vena ma na failautuhi o famahinoga agai ki he manatu kua uma te kave ki o latou Taupulega ke iei ni fale fakapitoa lava ke fai mo na famahinoga ma e mafai ai foki ke nonofo ai i loto ni tino mai te nuku e fia fakalogologo.

Nukunonu

Ite taimi nei e hei iei he fale fai fakamahinoga i Nukunonu. Ko na famahinoga e fai lava ite St. Maletino Tepola Talikilagi Hall. Ko na tulafono ma na famahinoga he mea

taua lele ki te Malo vena ma te nuku katoa. E taua ai ke fai fakapitoa ai he fale famahino i loto o Nukunonu.

Tiute o te Kaufaigaluega a te Fakamahinoga

- Ke hakili he koga lelei i loto ona fale a te nuku ke fai fakapitoa ai na famahinoga vena ma ni polokalame ma te nuku e tuha aim o tenei fakamoemoega.
- Ke tukutukotonu fakalelei te fale pe ko te koga e fai ai na famahinoga e pa atu la kua tapenapena lelei mo he fakamahinoga e fia fai.
- Ke fakamautinoa kote mea e haoni e hau kiei te tino eo ia te moliaga ma na tino e fia nofo i loto ma fakalogologo e tumama.

Ofiha o te Komehina Tulafono

E iei te ofiha mo te Komehina Tulafono ma na tino e galulue i loto ona fale famahino. E lahi lele te avanoa i loto o te Ofiha ke teu ai na lihoi ma na mea uma e manakomia mo na famahinoga e fai.

Na Lukitau

Na lahi lele te faigata na pa kiei mo na tino ke kave ni a latou tagi pe ni moliaga foki ki leoleo, ko ni manatu ienei na kaumai mai te nuku;

- Ko na leoleo e he tauhihi ki te fakamalohiaga ona tulafono;
- E lahi lele te taimi e fakafano e na leoleo e tuha ai ma te faiga o a latou hakilikiliga;
- E he lelei te tuhiga ona lipoti a na leoleo;
- Te lahiga o taimi e he galulue ai na leoleo ma na tino e galulue ite faiga ona famahinoga i loto o te nuku;
- E he iei he fale fakapitoa lava ke fai ai na famahinoga;
- E lahi lele te aia ona tino ote nuku vena ma te malo ki loto o na famahinoga ma na polokalame faka te famahino e fai;
- Kua lahi atili na polokalame a te nuku kua fai kua he iei ai he taimi ke fakaoko ai na polokalame ienei.

Vaega e manakomia e te Famahino i Nukunonu: Ke fakaauau lava te tau atiakega o te iloa ma na hikili ina mea tau famahinoga:

- Ke fakaauau te faufauina ona polokalame mo na tino fai famahinoga;
- Ke iei ni akoakoga ina mea tau fakaleleiga atili o te Malo kina tino fai famahinoga;
- Ke iei ni akoakoga e maua e kilatou ini lehona i na mea tau mahini pe ni 'computing lessons';
- Ke fakaauau pea ni akoakoga mo na tino e galulue mo na fale famahino ite fakaputuga o ni fakamatalaga, hitatiga ona moliaga vena ma na tuhituhiga lipoti.

Ko te Kaufaigaluega a te Fakamahinoga

Fakamahinoga Nukunonu

- | | |
|--------------------------|-------------------------|
| 1. Komehina Tulafono | - Ioane Nui Tumua |
| 2. Hui Komehina Tulafono | - Faipule Hiopili Perez |
| 3. Failautuhi a Famahino | - Lupe Kilino |

Fakamahinoga Atafu

- | | |
|--------------------------|----------------------------|
| 1. Komehina Tulafono | - Feleti Lopa (2016/2017) |
| | - Lepaio Simi (2017/18) |
| 2. Hui Komehina Tulafono | - Faipule Kelihiano Kalolo |
| 3. Failautuhi o Famahino | - Latu Lopa |

Fakamahinoga Fakaofu

- | | |
|--------------------------|-------------------------|
| 1. Komehina Tulafono | - Etuale Vavega |
| 2. Hui Komehina Tulafono | - Faipule Afega Gaulofa |
| 3. Failautuhi o Famahino | - Lolo Teao |

Kauhaga Tulafono a Tokelau

1. Lise Hope Suveinakama: Loia, Faufautua Tulafono o te Malo o Tokelau
2. Apolima Tamoā Panapa: Loia

Kupu Fakafetai

E taua lele ke kavatu he fakafetai ki te Polokalame a te Pahefika mo te Atiakega o Fakamahinoga (PJDP) mo to latou hapoti malohi mai i te tauatiakega o fakamahinoga i te Pahefika kae maihe ai te hapoti mo Tokelau. E momoli foki te fakafetai ki te tamana Polofeha Tony Angelo (Faufautua Tulafono Hinia a Tokelau e nofomau i Niu Hila), vena te kaufaigaluega mo te Faitauga Fuanumela mo te Atunuku kae maihe ai te tamana kia lapi mo te fehoahoaniga ite iloiloga ona numela ma na kalafa ona kua mafai ai ke fakaali te agai ki mua o te Fakamahinoga a Tokelau mo ienei tauhaga lipoti takitahi.